

Dogri News Bulletin, 24 October 2024

इवनिंग डोगरी न्यूज़ बुलेटिन

समे-18:15 Hrs

<><><><><><>

Headlines

- साइंस ते टेक्नोलॉजी मंत्री डॉ. जतिंद्र सिंह होरें आखेआ ऐ जे हाल च मंजूर बायो-ई 3 पालसी भारत दे हरित बदलाव ते आर्थिक विकास च महत्वपूर्ण योगदान देग।
- मुखमंत्री उमर अब्दुल्ला होर केंद्री मंत्री नितिन गडकरी हुंदे नै मिले ते जम्मू-कश्मीर लेई प्रमुख विकास परियोजनाएं दे बारे च चर्चा कीती।
- उपमुखमंत्री सुरिंद्र चौधरी होरें जम्मू-कश्मीर च गैर कनूनी तौरा पर दरयाएं चा लेतर बजरी कड्डने पर पूरी चाल्ली रोक लाने लेई आखेआ ते इस कम्मै च पूरी चाल्ली पारदर्शिता ते जवाबदेई यकीनी बनाने पर जोर दिता।
- ट्रांसपोर्ट मंत्री सतीश शर्मा होरें मैहकमा ट्रांसपोर्ट ते जम्मू-कश्मीर सड़क ट्रांसपोर्ट निगम दी कारकरदगी दी समीक्षा कीती।

<><><><><><>

Jitendra Indo Germany

केंद्री विज्ञान ते प्रौद्योगिकी राज्यमंत्री डॉ. जतिंद्र सिंह होरें आखेआ जे हाल च गै मंजूर कीती गेदी बायो-ई 3 नीति भारत च हरित परिवर्तन ते आर्थिक विकास च योगदान करग। बायो ई 3 नीति दा उद्देश्य देसै च उच्च स्तर दे जैव विनिर्माण गी बढ़ावा देना ऐ। डॉ. सिंह होर अजज नर्मी दिल्ली च इंडो जर्मन साइंस ते टेक्नोलॉजी कोपरेशन दे स्वर्ण जयंती समारोह गी संबोधित करा करदे हे। उनें आखेआ जे स्हादी सरकार दे शासनकाल च देसै दे विज्ञान ते प्रौद्योगिकी दे क्षेत्र च

बड़ा मता विकास होआ ऐ। उनें विज्ञान ते प्रौद्योगिकी क्षेत्र गी दुनिया दा रणनीतिक स्तम्भ दसदे होई आखेआ जे भारत दे अंतरिक्ष अभियानें हाल च गे बड़ी मती उपलब्धियां हासल कीतियां न। डॉ. सिंह होरें इस गल्ला उप्पर खुशी जताई जे भारत दे स्टार्ट अप इको सिस्टम नै दुनिया भरै च त्रीआ थाह हासल कीता ऐ।

<><><><><><>

Omar-Gadkari

जम्मू-कश्मीर दे मुखमंत्री उमर अब्दुल्ला होरें अज्ज नमीं दिल्ली च सड़क, ट्रांसपोर्ट ते जरनैली सड़कें सरबन्धी केंद्री मंत्री नितिन गडकरी हुंदे नै मिले ते केंद्र शासित प्रदेश ते भविक्ख दिएं विकास योजनाएं बारै चर्चा कीती। उच्ची सतह दी इस बैठका च मुखतौरा पर जम्मू-कश्मीर च सड़क ढांचे दे विस्तार ते स्मूलचे केंद्र शासित प्रदेश च सड़क ट्रांसपोर्ट दी सुविधा च बाददा ते बेहतरी आहन्ने बारै बी चर्चा कीती गई। टकोहदा करिये दूर-दरेडे ते पच्छड़े दे इलाकें च। एहदे अलावा जिनें प्रमुख विषयें पर चर्चा होई उंदे च सामरिक महत्ता आहिलयां जरनैली सड़कां, सैलानी थाहें तगर पुज्ज आहिलयां राबता सड़कां ते मकामी उद्योगें लेई सुविधाजनक सड़क संपर्क शामिल ऐ। नितिन गडकरी होरें उमर अब्दुल्ला होरें गी प्रदेश दे पूरे-पराते विकास च हर मुमकन सहयोग ते योगदान दा यकीन दोआया।

<><><><><><>

Gadkari-Road Safety

केंद्री शिड़क, यातायात ते जरनैली सिड़कें सरबन्धी केंद्री मंत्री नितिन गडकरी होरें आखेआ जे सरकार शिड़क सुरक्षा तंत्र गी बेहतर बनाने आस्तै अज्जै-कल्लै दी तकनीक जियां आर्टिफिशल इंटेलीजेंस दा उपयोग करा करदा ऐ। अज्ज नमीं दिल्ली च ट्रैफिक इंफ्रास्ट्रक्चर एक्पो दे 12में संस्करण गी संबोधित करदे होई उनें शिड़क निर्माण च अज्जै-कल्लै दी तकनीकें गी अपनाने

उप्पर जोर भरेआ। उनें आखेआ जे सरकार प्रतिभाशाली इंजीनियरें गी सिङ्क निर्माण च अपने अनुभवं गी सांझा करने आस्ते प्रोत्साहित करा'रदी ऐ तां जे गड्डी चलाने आहलें लेई शिङ्कां मती सुरक्षित बनाई जाई सकै।

<><><><><><>

PM-Pali Discussion

प्रधानमंत्री नरेंद्र मोदी होरें अज्ज आखेआ जे सरकार दे पाली गी शास्त्रीय भाशा दा दर्जा देने दे फैसले कन्नै भगवान बुद्ध हुंदे अनुयाइयें च खुशी ते उत्साह दी भावना पैदा होई ऐ। श्रीलंका दे कोलंबो च भारतीय उच्चायोग आस्सेआ सोशल मीडिया पोस्ट दा जवाब दिंदे होई मोदी होरें आखेआ जे ओह बक्ख-बक्ख देसें दे विद्धानें ते बोद्ध भिक्षुं दे आभारी न जिनें श्रीलंका दी राजधानी च 'पाली गी शास्त्रीय भाशा दे तौरा पर इक पैनल चर्चा च हिस्सा लैता ऐ। इस पैनल चर्चा दा आयोजन Indian Council for Cultural Relations (ICCR) आसेआ कीता गेआ हा।

<><><><><><>

PM-ITBP

प्रधानमंत्री नरेंद्र मोदी होरें आई.टी.बी.वी दे रेजिंग डे दे मौके पर आई.टी.बी.पी हिमवीरें ते उंदे परोआरें गी शुभकामना दिती। अपने इक सोशल मीडिया पोस्ट च मोदी होरें आखेआ जे आई.टी.बी.पी लोकें दी रक्षा लेई शौर्य ते समर्पण दा प्रतीक ऐ ते जेहड़ी चुनौतीपूर्ण इलाकें ते कठिन जलवायु परिस्थितियें च बी देस दे लोकें दी सुरक्षा लेई खड़ोती दी ऐ। मोदी होरें उंदे कुदरती आपदाएं ते बचास अभियानें दरान उंदे जत्नें दी बी सराहना कीती।

<><><><><><>

United-Nation Day

अज्ज संयुक्त राष्ट्र दिन मनाया जा'रदा ऐ। एह दिन संयुक्त राष्ट्र दी आधिकारिक स्थापना दा चेता करांदा ऐ। संयुक्त राष्ट्र इक्क अंतर सरकारी संगठन ऐ जेहड़ा अंतरराष्ट्री कूटनीति, मनुक्खता दे आधार उप्पर कीते गेदे प्रयासं ते वैश्विक विकास च महत्वपूर्ण भूमिका अदा करदा ऐ। संयुक्त राष्ट्र दिन हर बरे 24 अक्टूबर गी मनाया जंदा ऐ। दुए विश्व युद्ध दे बाद मुल्खै दे बशकार शांति, सुरक्षा ते सहयोग गी बढ़ावा देने आस्तै संयुक्त राष्ट्र दी स्थापना कीती गई ही। 25 अप्रैल 1945 गी 50 सरकारी प्रतिनिधि संयुक्त राष्ट्र चार्टर दा मसौदा तैयार करने लेई सैन फ्रांसिस्को च कट्ठा होए हे। इस मसौदे गी 25 जून गी अपनाया गेआ ते 24 अक्टूबर गी आधिकारिक तौरा पर लागू कीता गेआ जेहदे कन्नै गै संयुक्त राष्ट्र दी स्थापना होई।

<><><><><><>

Dy CM-Mining

उपमुख्यमंत्री सुरिंद्र चौधरी होरें अज्ज जोर देइयै आखेआ ऐ जे दरयाएं चा गैर कनूनी तौरा पर लेतर बजरी कड्डने पर पूरी चाल्ली रोक लाई जा ते इस कम्मै पर पूरी चाल्ली पारदर्शिता ते जवाबदेही गी यकीनी बनाया जा। सिविल सचिवालय श्रीनगर च इक जायजा मीटिंग दौरान उपमुख्यमंत्री होरें अधिकारिणं गी निर्देश दिता जे ओह पर्यावरण ते कुदरती संसाधनें वसीलें दे संरक्षण ते उंदा सलीके सिर इस्तेमाल यकीनी बनाया जा। उनें आखेआ जे पर्यावरण सरबंधी चुनौतिणं गी संजीदगी कन्नै लैता जाना लोड़चदा। सुरिंद्र चौधरी होरें आखेआ जे खनन दे कम्में लेई ठेके या अधिकार दिंदे बेल्ले इस गल्लै दा पक्का ध्यान रखेआ जाना लोड़चदा जे जल स्रोत ना ते प्रदूषित होन ते नां गै उनेंगी कुसै चाल्ली दा नुकसान पुज्जै ते आर्थिक विकास ते पर्यावरण संरक्षण बशकार तवाजन बरोबर बनाई रखेआ जा।

<><><><><><>

Dy.CM-R&B Meet

उपमुख्यमंत्री सुरिंद्र चौधरी होंरें कल अधिकारिणं गी निर्देश दिता जे ओह जम्मू-कश्मीर च हर इक इलाके च जरूरतें मूजब विकास गी यकीनी बनांदे होई इस गल्लै गी बी यकीनी बनान जे कुदरै बी कुसै बी चाल्ली दी गड़बड़ी, धांधली जां भ्रष्टाचार दी कोई गुंजैश नेई होऐ। सिविल सचिवालय श्रीनगर च लग्गी दी सड़कें, ईमारतें सरबंधी मैहकमें दी इक्क जायजा बैठक च उपमुख्यमंत्री होंरें आखेआ जे विकास कम्ममें ते सरकार दिणं बक्ख-बक्ख विकास स्कीमें दे बारे च लोकें दिणं आसैं-तांगें ते जरूरतें गी ध्यानै च रखेआ जा तां इंदे बारै उंदी प्रतिक्रिया जरूर हासल कीती जा। सरकारी स्कीमें दा लाह हर इक लोड़मंद आदमी तगर पुज्जै, उपमुख्यमंत्री होंरें इस गल्लै गी बी यकीनी बनाने पर जोर दिता। उनें आखेआ जे परियोजनाएं गी तोड़ चाढ़दे होई कम्मै दे म्यार कन्ने कोई समझौता नेई कीता जा।

<><><><><><>

Satish-Transport

ट्रांसपोर्ट मंत्री सतीश शर्मा होंरें अज्ज इक्क बैठक दी अध्यक्षता करदे होई मैहकमा ट्रांसपोर्ट, जम्मू-कश्मीर सड़क ट्रांसपोर्ट निगम ते स्टेट मोटर गैरेज दे कम्मै-काजै ते कारकरदगी दी समीक्षा कीती। सिविल सचिवालय श्रीनगर च लग्गी दी इस बैठका च राईबाई, ग्रामीण विकास ते पंचैती राज मैहकमे दे मंत्री जावेद अहमद डार बी मौजूद हे। जम्मू-कश्मीर च कम्म-कारोबार करने च सखाल ते ते सुविधा यकीनी बनाने दे उमर अब्दुल्ला सरकार दे धय्ये गी फही पक्का करदे होई मंत्री होंरें आखेआ जे परमिट फीस च 50 प्रतिशत कटौती करिणं इसी 15 ज्हार कोला साइडे 7 जहा पर आहन्ने बारै इस प्रस्ताव तैयार कीता जा। मंत्री होर कमर्शियल गड्डिणं दे डरैवरें दी म्हीने-म्हीने सेहत जांच करने दा बी निर्देश दिता तां जे उंदी गड्डी चलाने लेई फिटनेस गी यकीनी

बनाया जाई सकै। उनें ड्राइविंग लाइसेंस, टकोहदा करिए बड्डिं गड्डिं दे लाइसेंस जारी करने च ड्राइवर दी क्षमता कन्ने कोई समझौता नेई करने दा बी निर्देश दिता।

<><><><><><>

Rana-Tribals

जनजातीय मामलें दे मंत्री जावेद अहमद राणा होरें कल अपने मैहकमे दी पैहली-पैहली तारूपफी बैठक च जम्मू-कश्मीर दे जनजातीय समुदाय दी भलाई बेहतरी लेई कीते जा'रदे कम्में दी प्रगति ते उपलब्धिं दी समीखा कीती। उनें जोर देइए आखेआ जे राई-बाई, बागवाणी, डेरी, भिड्ड पालन ते इस चाल्ली दे होर दुए क्षेत्रें दिएं स्कीमें दे बारे पूरी जानकारी हासल करिए इनेंगी जनजातीय वर्गें दे नौजवानें लेई कम्म रोजगार दे प्रमुख जरिए दे तौरा पर इस्तेमाल कीता जा। उनें जनजातीय इलाकें च सैलसफा गी बढ़ावा देने पर बी जोर दिता। मंत्री होरें एकलव्य मॉडल स्कूलें दे गठन दे क्षेत्र च हासल प्रगति दा बी जायजा लैता। उनें ऐसे इलाकें दी शनाखत करने लेई बी आखेआ जित्थे एह स्कूल नेई ऐन तां जे उत्थे एह स्कूल खोलिए उत्थूं दी जनजातीय आबादी गी शिक्षा दी लोs कन्ने रौशन कीता जाई सकै। उनें मैहकमे गी निर्देश दिता जे जनजातीय गौरव दिवस समारोह दे आयोजन च सरबंधित बकख-बकख मैहकमें कन्ने तालमेल बनाइए कम्म करै। उनें जनजातीय परिवारों लेई रिहायशी कलोनियां ते फ्लैट बनाने दे प्रावधानें पर विचार करने लेई बी आखेआ।

<><><><><><>

Rajouri-Nowshera NHW

जम्मू-कश्मीर दे राजौरी-नौशहरा हाइवे उप्पर कम्म पूरा होने दी कगार उप्पर ऐ। हाइवे दे बनने मगरा कनेक्टिविटी च बाद्दा होग ते बन्ने आहले इलाकें च विकास कम्में च होर सखाल होग। शिडक ते हाइवे बनाने आहली कंपनी SGI दे प्रोजेक्ट मैनेजर अश्विन आस्तिक होरें आखेआ जे

असं हाइवे बना करदे आं जेहदे कन्नै कनेक्टिविटी च बाददा होग ते कन्नै लग्गने आहले इलाकें दे विकास गी बी मदद थहोग। उनें आखेआ जे एह इलाका सैलसफा लेई बड़ा महत्वपूर्ण ऐ ते इस परियोजनां दे पूरा होने कन्नै सैलसफा दे पूरा होने कन्नै सैलसफा गी बी बढ़ावा थहोग। आस्तिक होरें आखेआ जे एह शिड़क जम्मू ते पुंछ जिले गी जोड़दी ऐ ते राजौरी जिले दे बथुनी गांs च wire duct flyover बनाया जा'रदा ऐ जेहदे कन्नै घट्टोघट्ट 2 किलोमीटर दी दूरी घट्ट होई जाग।

<><><><><><>

World-Polio Day

अज्ज विश्व पोलियो ध्याड़ा ऐ। एह दिन मते संक्रामक वायरल बमारी पोलियोमाइलाइटिस गी खत्म करने दे वैश्विक प्रयासं लेई आयोजित कीता जंदा ऐ। एह बमारी खास तौरा पर बच्चें गी प्रभावित करदी ऐ। विश्व पोलियो ध्याड़ा-2024 दा विशे ऐ "हर बच्चे तगर पुज्ज बनाने लेई इक वैश्विक मिशन"। एह दिन बच्चें गी इस विनाशकारी बमारी कोला बचाने लेई पोलियो टीकाकरण दे महत्व बारै जागरूकता फैलाने लेई मनाया जंदा ऐ। विश्व पोलियो ध्याड़ा 24 अक्टूबर गी Jonas Salk दे जर्म ध्याड़े दे सिलसिले च मनाया जंदा ऐ जिनें सारें कोलां पैहले पोलियो दे खलाफ टीका तैयार कीता हा।

<><><><><><>